



Bosnia and Herzegovina  
Federation of Bosnia and Herzegovina  
**CANTON SARAJEVO**  
Anti-Corruption and Quality Control Office

**Broj:** 20-04-230-1201/22  
**Sarajevo,** 12.07.2022. godine

**SKUPŠTINA KANTONA SARAJEVO**  
**KABINET PREDSJEDAVALAČE I ZAMJENIKA PREDSJEDAVALAČE**  
**SKUPŠTINE KANTONA SARAJEVO**  
*n/r Predsjedavajućeg Skupštine - Elvedin Okerić*

**PREDMET:** Zastupničko pitanje zastupnika Aljović Hameda, odgovor, dostavlja se.-

**VEZA:** Vaš akt broj: 01-04-2779-27/22 od 01.07.2022. godine

Dana 30.06.2022. godine, u skladu sa Poslovníkom Skupštine Kantona Sarajevo, zastupnik u Skupštini Kantona Sarajevo **Aljović Hamed** postavio je zastupničko pitanje Uredu za borbu protiv korupcije i upravljanje kvalitetom Kantona Sarajevo, u vezi navodnih nepravilnosti u postupku nominiranja/imenovanja članova Upravnog odbora Zavoda zdravstvenog osiguranja Kantona Sarajevo.

S tim u vezi, informišemo Vas da je Ured za borbu protiv korupcije i upravljanje kvalitetom Kantona Sarajevo, u prethodnom periodu već proveo postupak provjere i prikupljanje relevantnih podataka i dokumentacije od nadležnih organa u vezi predmetnih okolnosti, tj. u vezi navoda da su određena lica nezakonito imenovana na pozicije u Upravni odbor Zavoda zdravstvenog osiguranja Kantona Sarajevo, jer navodno istovremeno obnašaju visoke stranačke funkcije.

U okviru svojih nadležnosti, Ured je od Ministarstva zdravstva Kantona Sarajevo zatražio i prikupio kopiju cjelokupne dokumentacije koju su sporni kandidati priložili kao dokaz o ispunjavanju općih i posebnih uvjeta traženih javnim oglasom (Javni oglas za nominiranje/imenovanje članova Upravnog odbora Zavoda zdravstvenog osiguranja Kantona Sarajevo od 26.03.2021. godine), te je izvršen uvid u relevantne pravne propise i određene akte Vlade Kantona Sarajevo. Takođe, izvršeno je prikupljanje određenih podataka iz uspostavljenih baza podataka Ureda, ali i putem otvorenih izvora.

Na osnovu pregleda i analize prikupljenih podataka i dokumentacije, od strane Ureda uočeno je da postoji sumnja da tri (3) aktualna člana Upravnog odbora Zavoda zdravstvenog osiguranja Kantona Sarajevo istovremeno obnašaju i funkciju u političkoj stranci, te da shodno tome ne ispunjavaju jedan od posebnih uslova propisanih predmetnim javnim oglasom (da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH), a koji je definisan u Odluci Vlade Kantona Sarajevo o kriterijima za nominiranje/imenovanje predsjednika i članova Upravnog odbora Zavoda zdravstvenog osiguranja Kantona Sarajevo, čiji je osnivač Kanton Sarajevo („Službene novine Kantona Sarajevo“, br. 25/16 i 22/19).

Informacija Ureda o uočenim nepravilnostima dostavljena je dana 30.06.2022. godine na znanje i dalje postupanje Vladi Kantona Sarajevo (n/r Premijeru Kantona Sarajevo), obzirom da članove Upravnog odbora Zavoda zdravstvenog osiguranja Kantona Sarajevo imenuje Vlada Kantona Sarajevo na prijedlog kantonalnog ministra zdravstva, te da Upravni odbor za svoj rad odgovara kantonalnom ministru zdravstva i Vladi Kantona Sarajevo. Do današnjeg dana, Ured nije zaprimio povratnu informaciju od strane Vlade Kantona Sarajevo.

Takođe, Informacija Ureda o uočenim nepravilnostima je zajedno sa prikupljenom dokumentacijom dostavljena i organu nadležnom za provođenje krivične istrage.

U skladu sa propisanim nadležnostima, Ured će nastaviti da prati postupanje nadležnih institucija u ovom slučaju, a sve s ciljem prevencije eventualnih nepravilnosti.

S poštovanjem,

Dostaviti:

1. Naslovu;
2. a/a.



ŠEF UREDA

Erduan Kafedžić